



Ban sembra awe pa kosechá mañan Futuro di nos ekonomia ta pa nos bienestar

Invershon den hende, insentivo di produktivitat i ekonomia

Komo ku maneho ekonómiko i maneho sosial ta dos banda di e medaya, no por lòs nan for di otro. Mester yega na un *vishon komun* pa prepará i ehekutá akshonnan dirigí pa pone ekonomia krese atrobe di forma rápido i duradero, pasobra asina so ta krea e oportunidatnan nobo pa halsa bienestar di tur habitante di Kòrsou. E yabi di solushon ta un ekonomia ku ta krese.

Solamente ora ekonomia haña bida bèk, e por fungi atrobe komo e motor ku ta generá espasio pa subi nivel di bida sosial i bienestar. Trabou ta un vehíkulo importante den esei!

Ta di gran importansia pa e kresementu ekonómiko riba término kòrtiku kontribuí atrobe na proveé e medionan pa organisá bienestar.

E énfasis ta bin mas tantu riba enseñansa, merkado laboral i imigrashon pa desaroyo di e poblashon i kita opstákulonnan ku ta para den e kaminda di kresementu ekonómiko, pa via di e ruta aki generá e medionan nesesario pa un nivel mas haltu di bienestar di e poblashon. Kiermen, ta kuminsá ku invershonnan den hende i ta usa insentivo di produktivitat i ekonomia komo instrumentonan pa mehorá bienestar di hende. Dje moda aki desaroyo di e hende ta para sentral den e stratézia nobo di Kòrsou.

Kòrsou su ekonomia mester di nos tur pa logra un transformashon moderno. Konfiansa den nos futuro ta e yabi pa atendé ku e desafio.

Futuro di nos ekonomia ta futuro di nos mes!

Pa mas informashon: www.kvk.cw